

չորս պատերն են տեսել, սարսա՛ղ: Տանը դագանակ վերցնելը տղամարդութի՛ւն է:

ՌԻՍՏԻԱՆ.– Էդ մի գազ լեզուդ էլ որ չլինի, օրդ ի՞նչ օր է:

ՆԱԶԱՐ.– (Ծոծրակը քորելով եւ հորանջելով) Ասում եմ՝ կռուի գլուխ չունեմ: Հացը հաւաքի ու տեղաշորս գցի: Շուտ քնեմ, շուտ վեր կենամ: Էդուց Չախմախլի սարում Զեռօռլու կռիւն է: Պիտի գնամ:

ՌԻՍՏԻԱՆ.– Լեզո՛ւդ, որ բլբլում է. Էդ լեզուիդ համար, ի՞նչ կա որ... աշխա՛րհք, մարդի՛կ...

ՆԱԶԱՐ.– Աշխա՛րհք, մարդի՛կ... փի՛, բա՛նի անուն տուր: Իսկի ոտիս եղունգն արժե՛ն: Աշխարհքը որ կա՝ իմ գերին է. Էնպէս, բաց եմ թողել, որ գնան իրենց համար ապրեն: Որ ուզենամ ոտիս տակ կգցեմ:

ՌԻՍՏԻԱՆ.– Դու աշխարհքը ոտիդ տակ գցես:

ՆԱԶԱՐ.– Ե՛ս: Դու ինձ մեր գիւղի քոստոնե՛րը գիտես:

ՌԻՍՏԻԱՆ.– Ես որ իսկի մարդու չի հաւանում՝ Էդ եմ տրաքում, Ե՛:

ՆԱԶԱՐ.– Տրաքուելը դու Էն ժամանակ մտիկ, որ ինձ մեծ փառքերի մէջ նստած կտեսնես:

ՌԻՍՏԻԱՆ.– Երեւելի՛ մարդ ես դառնալու աշխա՛րհք զարմացնես:

ՆԱԶԱՐ.– Սպասի՛, տես, թէ քո ջգրու՝ ո՞նց եմ աշխարհքը քանդելու: Էդ քո ասած երեւելի մարդկերանցից Էլ բարձրը պիտի բազմեմ: Ո՞նց ես, որ հիմի վեր կենամ նստեմ աշխարհքի գլխին:

ՌԻՍՏԻԱՆ.– Տո մի տեսէք Էս փսլնքոտ քթի տակին ի՞նչ մեծ գոռոզուքիւն կայ:

ՆԱԶԱՐ.– Ի՛հի՛ ... Ծուլանում եմ, թէ վեր կենամ սրան մի շնաթակ տամ: Ա՛ղջի, ասում եմ ձենդ կտրի՛:

ՌԻՍՏԻԱՆ.– Տես մի մէջքին գալի՞ս է:

ՆԱԶԱՐ.– (Շաքժում անելով) Տո դու ո՞ւմ վրայ ես խօսում: (Բայց ծուլանալով) Լա՛ւ, մա՛ւ Էգուց: (Հանում է չուխան եւ պատրաստում է քնելու): Ափսոս, որ ինձպէս տղամարդու պատիւը չես իմանում: Քոնն ինչ է՝ նստես ու վրաս վըռվըռաս, Էլ չես ասում, թէ ես Էնտեղ ինչ բանի եմ: Մի աշխարհք է մտքովս անց կենում: Աշխարհք եմ տալիս, առնում: Էնքան բանը, որ իմ մտքովս անց է կենում, մի պարծանք է քեզ համար, Ե՛: (Պառկում է: Միջոց: Երազանքով) Կնիկ, ի՞նչ կասես... Մի օր գալիս են, թէ թշնամին վրայ տուեց: Չօ՛րք եմ կապում, նստո՛ւմ եմ ձիս, թուրս քաշում, շի՛փ-շիտակ քշում թշնամու վրայ ու կեցցես Նազար...

ՌԻՍՏԻԱՆ.– (Ամանները դէպի ձախ դուրս է տանում):

ՆԱԶԱՐ.– (Վեր է թռչում) Է՛, Է՛, Է՛... ո՞ւր, ո՞ւր,